



UNIVERSITÄTS-
BIBLIOTHEK
PADERBORN

Hortulus Biblico-Moralis Et Asceticus

Pappus von Tratzberg, Franz

Ulm, 1725

Doctrina 3. Desumpta ex cap. 3. Genes. in quo describitur serpentis dolosi
suggestio, Protoparentum nostrorum lapsus & pœna.

[urn:nbn:de:hbz:466:1-61252](#)

corporis lineamenta, hæc enim omnia nil aliud modō sunt, quam corruptionis ludibria, morborum pabula, mortis tributa.

Vide: quam sis inordinatus in spiritu, in sensibus cæcus, bestialis in affectibus, in cognitionibus vanus, temerarius in judiciis. Vide: quam ingratius sis ad beneficia, ad pia monita surdus, refractarius ad flagella, perfidus in promissis, instabilis in propositis, velox ad culpas, tardus ad virtutes, durus ad gratiam, immobilis ad minas. O quam sapienti calamô te Sapientum Princeps Aristoteles depinxit, apud Stobæum Serm. 96. differens: hominem esse imbecillitatis exemplum, temporis spolium, fortuna ludum, mutationis imaginem, invidia & calamitatis trutinam, pituitam & bilem. Quin immo Philoni Philosopho, teste Clemente Alexandrinô, adeò visus es calamitosus, ut nullô nomine te duxerit dignum quam pura calamitatis: quivis homo nihil aliud est, quam pura calamitas. Dic ergo vitæ adeò calamitosæ pertæsus cum Paulo: quis me liberabit de corpore mortis hujus? & vive taliter, ut cum terrestri Paradiso expulsus in hanc miseriarum vallem devolutus sis, saltem assequaris Paradisum cælestem, quem Christus Dominus suâ passione & cruce reseravist,

Doctrina 3.

Desumpta ex cap. 3. Genes. in quo describitur serpentis dolosi suggestio, Protoparentum nostrorum lapsus & pœna.

N. 5. Considera 1. Phantasiam, immortificati, sensusque suos malè custodientis Christiani esse alteram Eam, à Dæmone deceptam & turpissimè victam: adeò quidem, ut ad pomi à Deo vetiti eum, videlicet ad rerum à Deo prohibitarum usum intellectum & voluntatem hominis alliciat sæpeque ita superet: ut spretô Dei imperio fruatur creaturis in summum creatoris contemptum, inde sentiens celerem offensi Numinis vindictam, vi cuius exuatur vitâ gratiae, excludatur è Paradiso cælestis Patriæ, & exilio æternæ damnationis puniatur. O quam igitur mortificatum te esse oportet Christiane! ut non etiam à Dæmone tentante deceptus vincaris, parem subiurus pœnam. *Castiga corpus tuum, hortatur S. August. in 1. Corinth. cap. 9. & Diabolum vinces.* Castiga oculos, ne curiosè sese effundant in objecta quævis obvia: sunt enim portæ per quas ingreditur hostis ad deprædandam animam, illud deplorante Jeremiâ Thren. 3. *Oculi*

lus meus deprædatus est animam meam. Sunt fenestræ, per quas ascendunt fures ad rapiendum & maſtandum. Hi spoliârunt Protoparentes nostros divinâ gratiâ, Dinam Virginitate, uxorem Loth vitâ. Caſtiga aures tuas, ne verba audiant impura, detracṭoria &c. Qui fabulis obscenisque carminibus vel detractionibus aurem libenter aperit, hanc anima ſuę portam mortis efficit Venerab. Beda in Lucæ cap. 7. Quid aliud prava locutio, quam ſemen diaboli, quod vix ingeſtum animæ multiplices peccatorum fructus parturit. Quid impuri sermones auribüs excepti, niſi ſordidi limaces, qui viſcoſa & lubrica poſt ſe relinquunt veſtigia? quid vana colloquia per aures in cor transmiſſa, niſi clavus, quô anima christiani à memoria cæleſtium rerum abducta, rebus terrenis penitus affigitur? caſtiga guttur tuum, ne fiat gulæ mancipium, fat gnarus, gulam Paradisum clauſiſſe, vendidiſſe primogenita, ſuſpendiſſe piftorem, decollâſſe Baptiſtam, evertiſſe ſub Nabuzardan principe Jerosolymam, Balthazarum inter epulas necâſſe; ut alia taceam crudelitatis trophæa, qua hæc non ſat mortificata paſſio olim erexit erigitque etiamnum hođie. Senſum tactus ante cæteros omnes caſtiga, utpote iis omnibüs periculofiffimum: hic enim cum objectis illicitis proximè conjunctus totô corpore diffunditur: omnibus membris communis, quaſi omnium malitiā in ſe recipit. Audi Basilium de eo differentem: Tactus est omnium ſenſuum pernicioſiſſimus & ſepiſſimè blan- diens; ſenſusque reliquos ad voluptatiſ ſillebras pelliciens, totô corpore diffuſus, & per oninem ejus ſuperficiem adverſus animam ſape dominatur.

Considera 2. Quod licet callidiflum ille ſerpens, Protoparen- N.6. tum noſtrorum ſeductor, jam glorioſe victus ſit a Christo Domino: attamen noſtrâ culpâ vires acquirat copiamque ad nos tentandoſ. Cumque ſciat, nos longâ & quotidiana experientiâ doctos non amplius dubitare de futura morte corporis; hinc verba illa, quibüs incautos protoparentes noſtrós decepit, nonnihil immutata, adeò callide proponit, ut dicat nobis: non moriemini ſaltem hoc annō, hoc mense, hoc die, &c. Sed ob corporis robusti ſanitatē, ob ætatis vigorem, ob Dei infinitam Mifericordiam, nolentis mortem peccatoris, ſed ut magis convertatur, & vivat, adhuc aderit ſufficiens occaſio ad pœnitendum. Et proh dolor! tam facile contingit, nos tot hominum inſperatâ morte decedentium exemplis non ſat deterritos, affenſum præbere blando tentatori, & quandoque alios parī doctrinâ ſeducere. Hac eft cætitas humana, ait Bellarinius in Psal. 48. ut cūm quotidie videamus morien-

rientes homines nobis etiam meliores & juniores : tamen vix adduci possimus, ut cogitemus, nos etiam morituros. Merito providum dixerim Davidem, quod cinere, mortis videlicet quotidiana memoria, haud aliter quam pane pasceretur : Cinerem tanquam panem manducabam. Quando re ali- quâ frequenter utimur, proverbialiter de ea loquimur : re tali haud aliter, quam pane indigeo : ita quoque David mortis, sibi omnî ho- râ imminentis memoriam, veluti quotidiani panis usum necessariam exemplô suò nobis christianis confusioni sunt, quos inter non pau- cos reperire fuit, qui mortem sibi quotidiè habuerant suspectam: nam Elianô teste lib. 8. Philippus Rex Macedonum negotium dedit puerο, ut quotidiè è lecto surgenti diceret : Rex ! homo es, vive memor lethi, & Ptolomæus Ægyptius semper calvariam penes se vel in mediis etiam epulis habuit, ne mortis illi ullò tempore excideret memoria : quin & Ministrum sibi identidem occinere voluit : Rex inspice, talis eris.

Doctrina 4.

Desumpta ex cap. 4. Genes. in quo describitur Abelis innocentis mors, Caini fratricidae pena.

N.7. Considera I. **Q**UAM infelix fuerit conjugium Protoparentum no- strorum, dum pro primo generationis fructu habuit filium, qui stimulante invidiâ eò crudelitatis devenit, ut innoxio fra- tris piiissimi sanguine manus suas födaverit. Sed forsan æquè infe- licit datur conjugium inter corpus & animam tuam, quod ordinatum est ad generandas variarum virtutum masculas proles, videlicet ad generandam patientiam in adversis, humilitatem in prosperis, pietate & devotionem in templis, mansuetudinem in conversatione hu- manâ &c. Verum ejusmodi intentos fructus vel non producit, vel productos patitur à vana gloria suffocari : nam quasi latrunculus teste S. Greg. Mag. lib. 22. Moral. est appetitus laudis humanae, qui rectò itinere gradientibus ex latere jungitur, ut ex occultis eductò gladio gradientium vita tru- cidetur. Planè sicut columbae, celeri pennâ in altum elatæ, dum de- volatu quasi sibi applaudunt, subitò rapiuntur ab accipitre, & ungu- bûs laceratæ intereunt, ita evenit hominibus, qui de prognatis virtu- tum actibus sibi applausum faciunt ; vix enim nati pereunt ejusmo- di